

**MMKS**

UJEDINJENE NACIJE

Mehanizam za međunarodne krivične sudove

Mehanizam za međunarodne krivične sudove (MMKS ili Mehanizam) osnovao je Savjet bezbjednosti Ujedinjenih nacija 22. decembra 2010. da nastavi nadležnosti, prava, obaveze i ključne funkcije Međunarodnog krivičnog suda za Ruandu (MKSJR) i Međunarodnog krivičnog suda za bivšu Jugoslaviju (MKSJ) nakon okončanja njihovih mandata. MMKS ima dva ogranka, jedan u Arushi, Tanzanija, i drugi u Haagu, Nizozemska.

IZJAVA**PREDSJEDNIK**

(Isključivo za medije. Nije zvaničan dokument.)

Haag, 23. maj 2018.

Govor prilikom otvaranja Informativnog centra o međunarodnom krivičnom sudu za bivšu Jugoslaviju u Sarajevu

Gabrielle McIntyre,**šef kabineta i glavni pravni savjetnik predsjednika****Međunarodnog rezidualnog mehanizma za krivične sudove****23. maj 2018.**

Vaša ekscelencijo gradonačelnice Skaka,

Uvaženi profesore Komšiću,

Ekscelencije,

Dame i gospodo:

Predsjednik Međunarodnog rezidualnog mehanizma za krivične sudove Theodor Meron, na svoju veliku žalost, nije bio u mogućnosti da nam se pridruži danas u ovoj značajnoj prilici, ali je zamolio mene, kao svog šefa Kabineta i glavnog pravnog savjetnika, da održim sljedeći govor u njegovo ime.

Mehanizam za međunarodne krivične sudove

Arusha Tel : +255 (0)27 256 5376

Haag Tel: +31 70 512 5691

Email: mict-press@un.orgPratite nas na [Facebooku](#), [Twitteru](#), [YouTubeu](#), [LinkedInu](#)

MKSJ je, kao što je mnogima koji su danas ovdje dobro poznato, predstavljao pionirsku instituciju. Kao prvi međunarodni krivični sud modernog doba, on je, iz predmeta u predmet, pokazivao da je moguće pozvati na odgovornost za neke od najgorih zamislivih zločina i prikupio je ogromnu količinu dokaza u vezi s tragičnim događajima i stravičnim zločinima do kojih je došlo širom regiona bivše Jugoslavije tokom 1990-ih, dokaza – od mapa i zapisnika sa sjednica pa sve do presretnutih komunikacija i iskaza svjedoka – koji su odigrali ključnu ulogu u postupcima na Međunarodnom sudu i u njegovim presudama.

Ali, i pored svega što je MKSJ postigao i njegovog doprinosa ukupnom napretku sveobuhvatnijoj borbi protiv nekažnjivosti, on je, na mnogo načina, predstavljao jedno nesavršeno rješenje. Rad Međunarodnog suda obavljan je daleko od zajednica i preživjelih na koje su njegovi postupci imali najviše uticaja. Priroda njegovih postupaka – koja predstavlja novi hibrid anglosaksonskog i kontinentalnog prava – mnogima je mogla izgledati čudno i zbunjujuće. A njegova suđenja su se odvijala i presude izricale na jezicima koji nisu jezici bivše Jugoslavije.

U tom kontekstu mi je naročito zadovoljstvo što danas ovdje otvaramo Informativni centar o Međunarodnom krivičnom sudu za bivšu Jugoslaviju u Sarajevu.

Osnivanjem ovog Centra ne samo što se posjetiocima omogućava direktan pristup dokumentima i drugim materijalima iz postupaka vođenih na Međunarodnom sudu i pruža prilika da lično vide kako je izgledala jedna od sudnica MKSJ-a, štaviše, sve se to dešava ovdje, u središtu nekih od zajednica na koje je najviše uticao njegov rad, ii svaki se posjetilac poziva da postavlja pitanja, ocjenjuje argumente i informacije i donese vlastite zaključke.

Razumijevanje i svijest o ovom procesu – o mogućnosti otvorenog pristupa informacijama i dokazima nastalim tokom rada MKSJ-a, o mogućnosti da se slobodno ispituje, raspravlja i proučava naslijeđe Međunarodnog suda – ključni su za ovu generaciju i generacije koje dolaze ukoliko istinski želimo izvući pouke iz svoje prošlosti i iz tragičnih događaja koji su zahvatili ovaj region tokom 1990-ih i kazati, jednom zauvijek: “Nikada više”.

* * *

Na kraju, veoma sam zahvalna na prisustvu sudiji Faustu Pocar, cijenjenom kolegi i bivšem predsjedniku MKSJ-a, koji je predvodio napore MKSJ-a u vezi s informativnim centrima i učestvovao u ostvarivanju ovog projekta. A u ime Međunarodnog rezidualnog mehanizma za krivične sudove, želim uputiti najiskrenije čestitke gradonačelniku Skaki, profesoru Komšiću, kao i njihovim izvanrednim kolegama na neumornim nastojanjima da ovaj Informativni centar uspije i postane značajan doprinos i spomenik ovog grada i njegove zajednice.

Najljepše hvala.
